

武

備

志

武備志卷一百八十五

防風茅元儀輯

占度載

占三十八

大六壬兵占

兵占舊有三十則、見兵帳鈎玄者、今不具載、載其未備者爾、

遊都魯都

遊都魯都法最玄、穿地尋屍、見九泉、魯都臨處逢

白虎戊巳原加辰戌間常將月將地分數兩位相逢遠近看此是先賢真妙訣千金莫與世人傳

金鳳戰干

占賊之法妙難窮起成課法自通靈要知賊寇藏人馬遊都魯都兩干稱方爲賊居將爲寇貴人爲我主人兵干是我軍爲里數更知賊數百和零又言我財爲我利于若受尅財須傾四課之中神克將不須努力用心勤若還行兵謀計策寇兵一掃化爲塵課爻神將來克貴我當謹備莫攻征方來

克貴主細作必有姦謀誘我軍貴神不克地方位將軍攻戰莫消停將若刑方賊移動晚間逃走似飛雲方若克將賊守寨故然不動亦難通于克將今興人馬依行兵士將賊攻神將刑于賊須勝我當隄備不宜兵方來克于賊堅固于若刑方我得羸神若克于軍宜使于反克貴軍不聽貴神爲將于爲使將位二方是賊兵我克他時爲戰鬪他來尅我不須攻地方名爲遊都將對冲魯都賊遊兵有人學精遊都法不須專念六韜文千卷萬書惟

此驗只此一卷應如神，一脈流傳玄妙訣，常將賊寇掌中擒。

論盜方路

甲寅乙卯丙巳空丁午戊辰巳戌中庚申辛酉壬亥上癸子十干定吉凶，天地相合爲去路，暗藏人馬捉賊兵，若人會得魯都法，捉將如同在掌中。

尋賊消息

丑未賊名大小分傳聞兩耳實非輕，若人探覓尋卯酉消息從來特此真。

此論月將加時專看天盤上丑未卯酉四字凡六法以丑爲小賊未爲大賊丑爲地耳未爲天干如差人探密事看天盤卯酉方出可得消息假令庚辰日巳將未時丑在卯地主小賊在東方未在西地主大賊在西方卯在巳地酉在亥地東南西北二處可差人探事餘倣此

來使虛實

敵使欲分真與僞支干先克細詳推天空朱雀爲奸詐辰酉逢時主蔽虧

此論月將加時，專看日上神與支上神相生爲實信。若支干相尅，主來使虛言。又看日干上或支辰上有朱雀，天空二將臨之，主變詐不信。假令庚辰日巳將午時，庚課在申，申上見未土旺辰上見卯木，乃木克土，主來使虛言，不可信。又況天將朱雀臨辰，天空臨午，尤不可信也。若未在甲上，午在辰上，寅在子上，爲相生，其言可信，餘倣此。

來人善惡

遙望人來未測詳，神后加臨孟是良。仲是商人季
奸惡欲逃正位去天罡。

經曰：月將加時，神后落處斷之。寅申巳亥良人，
子午卯酉商客，辰戌丑未奸惡細作之人。

兵將多少

國家兵數預先知，旺相相生更有餘。休囚死十
自散，先知一局候兵機。

我比爲旺我生相，我生自休君莫亂。克我爲囚
我克死，可載千軍無更變。

甲巳子午九、乙庚丑未八、丙辛壬申七、丁壬卯酉六、戊癸辰戌五、巳亥無干四。

方性強弱

發用何神方性知，假如子動北方知，性情定是多奸詐，急早隄防用力宜。

此論專看發用之神，若是亥子水神主北方之兵，巳午主南方之兵，若論其性見申子爲之奸邪，見亥卯爲之陰賊，見寅午爲之猛勇，見丑未爲之公正，見巳酉爲之寬大，見辰戌爲之奸詐。

出軍擇日

擇日天罡加月建，看其神后可移軍。歲對登明神后下，歲前頭上酉兼申，河魁臨處爲天府。歲後仍看仰見寅天倉，大吉加其日，餘外相逢不利人。支上順行、

凡擇出軍日，專以天罡加月建上，看傳送從魁下爲歲前，天罡下爲天府，登明神后下爲歲對，大吉下爲天倉，功曹下爲歲後，已上日辰並吉，再逢上下相生尤吉。

如太冲下爲俠俾、天罡下爲負冲、太乙下爲折
冲、勝光下爲黽冲、小吉下爲致死、巳上日辰大
凶、不出軍、餘倣此、再看上下相生、尤吉、相克凶、

出軍吉時

吉日還須擇吉時、神藏煞沒、自然宜天乙貴坐凶
災、散兵出功、成奏凱歸、月將加時

此論專爲甲戌庚三日說、如丑或未臨亥地、爲
貴人登天門、此時前一、滕蛇在子、名墮水、朱雀
在亥、名投江、勾陳在卯、名折足、白虎在午、名燒

身玄武在申、名現形、已上爲神藏煞沒、此時出兵大吉、

假令二月庚申日申時卯將、丑在亥、丑爲庚之貴神卽是也、如不係甲戌庚三日、乃取青龍黃道、或金匱玉堂爲吉、

起黃道時法

正七加子、二八寅、三九原來却向辰、四十須知午上始、五十一月起於申、六十二月起於戌、黃道爲祥、黑道逆、

擇日出門

吉日從門更欲宜，子孫爲父報仇時，假如甲乙方有警，巳午臨門莫避之。

凡用兵之法，須擇吉門而出，如甲乙日有事，須命火命人舉紅旗，或用巳午時從南門兵出，爲父報仇，惟忌金命人，金時或申酉方不利，丙丁日宜往辰戌未三方吉，庚辛日子丑亥方吉，戊巳日申酉方吉，壬癸日寅卯方吉。

訣曰

看月建方背之吉

戊巳白旗庚辛皂土生金壬癸堪用青色冲水生木

大將居方

大將居方取亥宜左爲卯將右酉隨勝光前處爲前將神后臨方是後推

春寅夏巳秋申冬亥六壬謂動於九天之上如亥方不便位卽將春以寅爲雄背之吉夏以巳爲雄秋以申爲雄冬以亥爲雄如四位不便再以年支天盤上背之吉此大將居之如神將又

甲日用兵先舉紅

木生火

丙丁黃色不須論

火生土

此論專看大將下營所居方分以月將加時看天盤上亥字落在何方如在酉上正西安營大吉如亥在卯上正東安營大吉如亥在午上正南安營大吉

假令辛巳日巳將卯時亥在酉上爲中軍大將正西安營吉午爲前將在辰地卯爲左將在丑地酉爲右將在未地子爲後將在戌地如有警大將居亥左右前後將分兵擊之全勝餘倣此

方分歲占

歲占方分莫狂嗟、陰歲須將小吉加、陽歲却從丑、未併傳中機泄思神夸、

如甲寅子上加青龍、卯酉寅上加青龍、辰戌丑上加青龍、巳亥午上加青龍、

凡遇甲戌庚三日、就將貴神放在丑上、丑放在亥上、看月德臨何地支、卽知此時煞沒、

又看月將臨何支、如在申對官是寅、申寅二時吉、餘倣此、

迷路尋出

山野林中忽覺迷，便將月將正時推天罡百步還投未投未前，行道路路知。

此論月將加正時，專看天盤上辰未二字決之。假令乙丑日，前將酉時迷路，此月將加時辰，加巳爲東南方，就往東南上，逢百步爲止。此時辰在巽未，在坤，又從東南轉向西南，往三百步，乃見天盤上未字，加在申上，再逢八十步，方有路也。

渡河涉水

天河覆井渡河驚水用尋置水道通支傷水湧前
難渡支吉不逢龍日亨

其法月將加時專看天盤辰未卯子四字爲天
河若天盤四字加臨地盤子卯辰未名曰天河
覆井此時渡河主沉溺

又法水在週圍看天罡加處爲水道如罡加孟
勿前行加仲勿中行加季勿後行

又法六壬以日干爲陸路日支爲水路若支不

受克宜水路行又看丙子癸丑癸未三日爲水
尤日不可行船渡河

假令丁亥日巳將寅時天盤未字爲天河臨地
盤辰上名天河覆井不宜出兵渡河餘倣此

覓水求糧

丑爲糧草未爲泉卯未之間水道間饑渴有時難
共飲將軍且筭莫愁顏

此論月將加時專看天盤上未卯酉三字爲水
泉以丑爲糧草以卯爲水道若天盤丑字落處

就從起筭往丑處進三百步卽見糧草、

假令甲子日戌將卯時未加子上在北行三百步有井泉卯上加申西南三百步有水道丑加午上正南三百步有糧草、

藏形遁跡

紫房華蓋可藏兵卯木從魁莫自驚月將加時投此處自然遁跡却成功、

此論月將加時專看天盤上子丑卯酉四處如有事或藏兵於山林溝壑自然掩襲必得全勝、

假令丙寅日午將辰時子加戌宜西北藏百人
加丑東北藏千人酉加未西南藏萬人此法不
拘多少可隱藏也

武備志卷一百八十六

防風茅元儀輯

占度載

占三十九

軍中雜占一

茅子曰，自吉凶莫大於兵，而兵之占遂衆，衆則誕，衆則俚，勢固然也。因其常用，酌其近理者，爲軍中雜占。

占神光

占旗

占刀

占鎗倒

占剪雞

占田螺

占神光

茅子曰、世有神光經、取其專於兵者、以備一家云、
夫神光者、一身之主宰、五臟之精英、根於靈臺之
中、見於月窟之際、不假人力、取驗如神、昔李光弼

野宿取神光不吉而知高暉之有謀急移營避之乃得免禍蓋得此法也

凡驗神光當先澄心靜慮默恭存想其所向之方所爲之事及所欲接對之人存想既定然後以兩手中指緊按左右月窟緩而搖之其光自見青者憂白者虛驚紅者黃者吉慶有吉事黑者大凶取之無光則不日而絕矣

定神湯方序

凡居倉卒之際或事擾心忙神必不定神不定則

光亦憑之而或散，須先服定神湯，然後神定心安，驗之自無不中矣。

定神湯方

天門冬

一兩，去心。

人參

一兩，肥大滋潤者，去蘆。

茯神

三兩，去皮。

甘草

五錢，炙。

石菖蒲

五錢，九節者，去毛。

辰砂

五錢，磊粒光明者。

麝香

一錢，真者，同辰砂另研極細。

右件依法脩製爲細末，將砂麝和均，黃連燭心泡湯調服二錢許，如神氣自定，無他事煩擾者，不服。

臨敵討罪篇

凡臨敵討罪，須驗神光。色紅黃明且耀者，必大勝。縱彼千軍萬騎攻之，我亦無虞。如青黑色，或神光不見，急宜徙營別所。如白色，則不宜進兵，必有破軍折將之患。

野宿篇

凡遇夜野宿，或所處有疑，須澄心靜慮，速驗神光。若青色，則有奸人至；黑色，賊兵來；白色，親近有謀。紅黃色，焰可高枕無虞矣。凡處危地而眼睜者，一

一里之遠，二三里之遠，十里之遠，十里之遠，十
里前面必有奸人，賊黨至，吾事先知，則奸賊可談
笑而擒也。

風雨雷電篇

凡在外率遇暴風驟雨，速驗神光，若不見者，決有
洪水泛漲，地塌城崩之患，不可於此久居，須當更
遷高阜之地，乃可免也。

過渡篇

凡渡江海，或水惡波險，去處預先一日驗其神光，

紅黃色者可渡，青色者有大風，白色者有大雨，黑色或無，則有船翻舵折沉溺之患，喪身殞命，在須臾矣，可不謹哉。

取驗法

凡欲取驗，須於靜夜獨處，勿令人知，暗而取之，亦不須遍與他人談說，務在專一精求，萬取萬中，設若輕舉妄動，塵私百端，而欲元神之精微，取驗之得真，蓋亦難矣。蓋神具於吾心，心擾惑則神亦昏亂，而欲試其功效，匪術之弗靈，乃驗者之罪也。


占旗

凡大將軍出戰，先須祭旗，觀其風勢之順逆，占知旗驗之吉凶，是以爲將領者，必須知此，以決一定之無疑。若不能諳，則軍機有失，占法但以主將之旗爲驗，諸將旗不必占之。

此旗脚遶纒必有虛驚式



此旗飛上天大勝吉兆式、



凡用兵先觀旗驗吾信旗脚向天必然大勝行兵
百戰百勝若見低垂向入忌之如有遠兩平出吉
纏入凶若轉一纏一日有虛驚二纏二日有虛驚
三纏三日有虛驚此旗脚不可不信報應不可不
防謹者爲上斷附後

斷曰

旗脚捲撩亂 軍去折一半
旗脚帶頭地 三軍不日替
旗脚帶相纏 主將命不全

旗脚帶復伸

廿里有虛驚

旗脚垂下地

災殃立便至

旗脚垂復起

立見爭訟至

旗脚吹上天

出將必週全

旗脚捲姜鈎

奪得勝回頭

旗脚吹向後

安管且守舊

旗脚吹向前

去勝若神仙

以占旗脚三吉二平四凶如高達之士占試旗
脚慎勿與人語恐三軍猶豫不安

要訣

旗尾向南方三日內主賊入戰傷有傷損擇寅時出陣免凶事

旗尾向東方二十日主無賊只虛驚一場無事

旗尾向西方七日內有虛驚一場無事

旗尾向北方七日內有草寇來到合用大驚一場凶

旗尾向右畔繞軍出陣大凶多招口舌事

旗尾向主人隨軍落者七日內開戰大輸合主內

反相爭離山陣

旗尾若炎上者三五日內有鬪戰主大勝吉
旗尾若遠竿者決然相殺主有自亂也
旗尾若向後不可行早此兆凶也

占刀

頓旗在生門上開旗看鳳刀將刀拋三轉看刀卦
吉凶

占刀式


此刀我兵大勝



此刀我傷不出軍凶




此刀我有起拔不戰賊自退走




此刀不得勝字許參纂為妙




賊不來賊入勝



正內





吉




此賊不來

出吉





先凶後吉



正身刀



十六口吉内



大勝



内



損兵將凶

軍賊不相逢

正



出凶 青 火刀



主出利吉

斷法

刀尾尖尖直入來、他人主大敗、忽然尖入向、主人
敗陣走如雲、刀尾向入賊人來、我將大施爲、刀頭
向天內主敗、刀尾落地損三軍、刀星須用相生我、
相尅主煩惱、上尅之時主有財、下尅主無財、出兵
怕他來尅我、我去尅他、彼必亡、刀口向在左、必先
勝、刀口橫向出、平平、刀口向身、營寨可隄防、尾向
身、有敗向、前吉、向後凶、

占鎗倒

武備志卷百六

軍器一
戈
戟
矛
矢
弩
銃
砲
火
藥
水
火
輪
船
戰
車
戰
馬
戰
船
戰
具
戰
服
戰
食
戰
醫
戰
法
戰
術
戰
器
戰
具
戰
服
戰
食
戰
醫
戰
法
戰
術
戰
器

十



斷曰

鎗尾指倒東

兵賊不相逢

鎗尾指倒西

立便賊人至

鎗尾指倒南

虛驚透膽寒

鎗尾指倒北

定有賊來敵

鎗尾指南東

虛驚賊不冲

鎗尾指東北

謹防奸詐賊

鎗尾指西南

弓放馬卸鞍

鎗尾指北西

卽刻整旌旗

鎗尾指向天 威如武穆權

鎗尾指入地 敗如兀術勢

占剪雞

出兵設拜剪雞驗吉凶呪

東南西北四方尊君、二十八宿星君、太陽太陰金
木水火土星君、虔誠奉請一天星斗、本境祭拜社
靈、天下正神五顯明皇、各州府縣城隍之神、同垂
作證、再伸拜請、禽演算先師、陣前陣後歷代祖
師、前傳後教一派宗師、今爲出兵征戰、專意今日

某禽吾使某人星禽出時先去伏望諸天星斗一切衆神特賜降臨無可以表懇懃之意今將雄雞生割滴入酒食普伸拜請伏乞歆鑒

後把雞拋去看如何倒地南方吉北方不利
東西方無鬪戰如雞跳躍作聲飛跋不吉必
有鬪戰宜謹防避

形功首敵對




形功有賊追



形功有獲防就敵來頭與身



形降歸敵賊逢



形雞功見



形功伏獲可藏伏賊知



形之伏藏



形功有賊伏



形和比



形功有敵對



形功有敗退人賊



形功有賊獲




驚賊先走形



自來投死之形



先難後易形



空走之形



逃散之形



陰陽逐背形



形等相牌拽




形獲難伏知先賊



形功侵來暗



形防可面見得不兩



形守固不將主



形防可獲難伏知先賊



形延莫走脫



形方地處別前胸在拱脚



形之害受兵追賊



凶戰主不形此



形主兵傷有非官舌口



形主壓兵欺



形獲難賊



形傷有敵對



斷法

剪猖驗吉凶以雞頭爲主、以身爲賊、雞形倒左兵強、倒右兵衰、陽脚向天亂行、謂之退陣、陰脚向天雙脚捧在胸前、謂之抱才之雞、今將雞形驗跡於前行兵者觀之、以爲進退切要、與日辰生尅爲主、看雞口有血、主傷官兵、無血者吉、立香案在東方屬木、木主三六九應報、在南方屬丙丁火、主一五七應報、在西方屬庚辛金、主二四八應報、在北方屬壬癸水、主一四七應報也。

占田螺

用兵之夜、將帥齋戒、奉主戰之神、稽首北斗、用新盆一面、中心界斷、分左右、左爲軍營、右爲賊營、用田螺兩個、一個寫軍將、一個寫賊人、放田螺在水盆中、水用一寸深、天明便見吉凶、放田螺之時、望北斗叩頭、誠心頂禮、自然徵應、

呪曰、

田螺舞、田螺舞、知風知雨、賊人若來、入我營所、急急如律令、

田螺索田螺索風雨不着賊人不來各守營寨急
心如律令

呪了再拜而退天明看之若賊人入軍營不得地
軍將入賊營其賊大敗我軍大勝兩不動無間守
之

武備志卷一百八十七

防風茅元儀輯

占度載

占四十

選擇

茅子曰古者授時不言吉凶然有五行則有生尅有生尅則有休旺休旺者在乎天吉凶者在乎人矣星曜宿禽紛乎其名矣不可訓要而究則皆五行正餘之氣而特異其名也五行不能外則選擇

之說未可廢也簡其切而著者于左方

凡擇日取其旺相日辰制克所攻之方吉若休廢無氣皆凶

凡出軍攻伐當擇歲月日時爲先忌冲太歲金神若爲主候太白辰星東見之日若爲客候太白辰星西見之日其日卽避冲旺方

太歲金神甲巳年天金在午未地金在申酉乙庚年天金在辰巳地金同丙辛年天金在寅卯地金在午未丁壬年天金在戌亥地金在寅卯戊癸年

天金在申酉地金在子丑

將欲出軍假令以木日聞驚急事謂四方舉兵及
攻讐怨必以火命人用火日火時從火門出兵大
勝此名子孫爲父母報讐勿令金命上將以金日
金時出門必敗言金尅其木日也假令甲子日聞
驚急事例以丙丁日巳午時出火門太乙勝先下
大勝餘倣此

凡出軍忌月建之日損大將

天火狼籍日凶正五九月子日二六十月卯日三

七十一月午日四八十二月酉日是

八龍七鳥九蛇十虎日凶春甲子乙亥爲八龍夏
丙子丁亥爲七鳥秋庚子辛亥爲九蛇冬壬子癸
亥爲十虎

九醜日忌行軍乙戊己辛壬之日臨子午卯酉之
辰此是九醜若時更遇殺神臨支干者大凶

往凶歸忌及日月食日並不可出軍正寅二巳三
申四亥五卯六午七酉八子九辰十未十一戌十
二丑爲往凶以丑寅子輪行十二月爲歸忌

平日收日爲天罡，天魁不可用。一說，閉日爲太陰，不可用，其方亦不可向。

兵禁日，不可出軍。正月起寅，逆行六陽辰，二子、三戌、四申、五午、六辰、七又起寅，是也。

大敗日，與咸池日，並不宜出軍。咸池日，正月起卯，逆行四仲，太白經大敗日。春寅午戌，夏巳酉丑，秋申子辰，冬亥卯未，演禽書大敗日時，正七月巳亥，二八月辰戌，三九月卯酉，四十月寅申，五十一月丑未，六十二月子午日時，交戰凶。又大敗時，甲乙

日午、丙丁日申、戊巳日巳、庚辛日寅、壬癸日酉時、並凶、

四離日、春分、秋分、夏至、冬至、前一日曰離、不可用、占時、月宿更臨四離之辰、名曰大寇凶、

四絕日、立春、立夏、立秋、立冬、前一日曰絕、不可用、占時、日于臨四絕之辰、名曰天禍凶、

月厭冲對之辰、皆凶、正月起戌、逆行十二辰是、受死日、凶、正戌、二辰、三亥、四巳、五子、六午、七丑、八未、九寅、十申、十一卯、十二酉是也、

龍虎日、凶、正巳、二亥、三午、四子、五未、六丑、七申、八寅、九酉、十卯、十一戌、十二辰、

罪至日、凶、正午、二子、三未、四丑、五申、六寅、七酉、八卯、九戌、十辰、十一亥、十二巳、

飛廉大殺日、凶、正戌、二巳、三午、四未、五寅、六卯、七辰、八亥、九子、十丑、十一申、十二酉、

十惡無祿大敗日、凶、甲巳年、三月戊戌日、七月癸亥日、十月丙申日、十一月丁亥日、乙庚年、四月壬甲日、九月乙巳日、丙辛年、三月辛巳日、九月庚辰

日、十月甲辰日、戊癸年、六月己丑日、丁壬年、無忌、
五反日凶、戊亥爲月朔、則一日七日十三日十九
日、二十五日是、申酉爲月朔、則二日八日十四日
二十日二十六日是、午未爲月朔、則三日九日十
五日二十一日二十七日、是辰巳爲月朔、則四日
十日十六日二十二日二十八日是、寅卯爲月朔、
則五日十一日十七日二十三日二十九日是、子
丑爲月朔、則六日十二日十八日二十四日三十
日是、

六窮日、凶、每月四日十九日二十八日是、

天乙絕氣日、凶、正月六日、二月七日、三月八日、四月九日、五月十日、六月十一日、七月十二日、八月十三日、九月十四日、十月十五日、十一月十六日、十二月十七日、

凡歲旦、月旦、甲子日、爲三長吉、歲暮、月晦、癸亥日、爲三短凶、

大殺日、凶、正戌、二巳、三午、四未、五寅、六卯、七辰、八亥、九子、十丑、十一申、十二酉、

火殺日、凶春室、夏觜、秋尾、冬翼、
金殺日、凶春牛、夏鬼、秋婁、冬亢、

五不歸日、凶巳卯、辛巳、丙戌、壬辰、丙申、巳酉、辛亥、
壬子、丙辰、庚申、辛酉、

八絕日、凶庚辰、辛巳、丙戌、丁亥、庚戌、辛亥、丙辰、丁
巳、

滅沒日以官曆上所註虛日爲滅、盈日爲沒、此非
天地之全氣、不可舉事、用兵、選擇、書所載、弦遇虛
宿、晦遇婁宿、朔遇角宿、望遇亢宿、虛遇鬼宿、盈遇

牛宿爲滅沒日者非是

入專日丁未癸丑甲寅乙卯巳未庚申行軍出陣
安營並凶

五不遇日正戌二亥三午四未五寅六卯七辰八
巳九子十丑十一申十二酉是日不宜追捕

五不遇時行兵大凶時于克日于是如甲子日庚
午辛未時也

天地爭雄日正巳午二亥子三丑未四子丑五未
申六丑寅七申酉八寅卯九酉戌十卯辰十一戌

亥、十二辰巳忌行軍立寨、

伏尸日春申酉夏丑寅秋戌亥冬辰巳忌出軍、

血光日六旬不用甲子旬不用卯巳未申甲戌旬
不用寅辰午未甲申旬不用酉戌丑卯巳甲午旬
不用未酉戌亥丑甲辰旬不用午未酉亥子甲寅
旬不用卯巳未酉亥日行軍凶、

旬中空亡甲子旬空戌亥甲戌旬空申酉甲申旬
空午未甲午旬空辰巳甲辰旬空寅卯甲寅旬空
子丑忌行軍出陣、

截路空亡甲巳日申酉時乙庚日午未時丙辛日
辰巳時丁壬日寅卯時戊癸日子丑時忌行軍出
陣

猖鬼敗亡日丁卯戊辰戊寅辛巳戊子巳丑戊戌
巳亥辛丑庚戌戊午壬戌日勿用

天翻地覆時正月巳日亥時二月辰日戌時三月
申日酉時四月巳日申時五月丑日卯時六月子
日午時七月亥日酉時八月戌日辰時九月卯日
酉時十月午日辰時十一月寅日未時十二月巳

日卯時遇此日犯此時凶

流血時寅申巳亥月辰戌丑未時子午卯酉月寅申巳亥時辰戌丑未月子午卯酉時交戰大凶
白虎頭日每月初二初十十八二十六日是出軍破賊大勝

凡出軍寶日大吉次義日次和日又次制日利以戰勝伐日凶敗寶干生支也義支生干也和支干比也制干克支也伐支克干也

亭亭白奸囚于巳亥格于寅申其時不可舉事用

兵、亭亭與白、奸同辰爲囚、

亭亭方、正卯、二辰、三巳、四午、五未、六申、七酉、八戌、
九亥、十子、十一丑、十二寅、

子日在巳、丑日在午、寅日在未、卯日在申、辰日在
酉、巳日在戌、午日在亥、未日在子、申日在丑、酉日
在寅、戌日在卯、亥日在辰、

正月子時在丑、二月子時在寅、三月子時在卯、四
月子時在辰、五月子時在巳、六月子時在午、七月
子時在未、八月子時在申、九月子時在酉、十月子

時在戌十一月子時在亥十二月子時在子每月
起子至亥俱以次順行十二位亭亭者貴神可背
不可向

白奸方寅午戌月日在亥亥卯未月日在寅申子
辰月日在巳巳酉丑月日在申

正五九月子時在巳二六十月子時在申三七
十一月子時在亥四八十二月子時在寅每月俱以
次順行十二位白奸者奸神可向不可背

伏斷日子日虛宿丑日斗宿寅日室宿卯日女宿

辰日箕宿、巳日房宿、午日角宿、未日張宿、申日鬼宿、酉日觜宿、戌日胃宿、亥日畢宿、出軍凶、設伏吉、暗金伏斷日、亦宜設伏、若行軍出陣凶、太陽星值年、巳日逢房宿是、太陰星值年、子日逢虛宿、未日逢張宿是、火星值年、酉日逢觜宿、寅日逢室宿是、水星值年、辰日逢箕宿、亥日逢壁宿是、木星值年、午日逢角宿是、金星值年、丑日逢斗宿、申日逢鬼宿是、土星值年、卯日逢女宿、戌日逢胃宿是、假如萬曆丁酉年、金星值年、遇申日、得鬼宿便是、

暗金伏斷齊到日其值年之法七曜輪流週而復始如前始太陽終土星又從太陽起輪行如萬曆丁酉年金星則戊戌年土星己亥年太陽庚子年太陰丁丑年火星壬寅年水星癸卯年木星甲辰年金星乙巳年土星丙午年又起太陽餘倣此

暗金伏斷時其法以官曆日下值日之宿推之如其日角宿值日角屬木木從氐則於子時起氐丑房寅心卯尾辰箕卽辰時爲伏斷巳斗午牛牛屬金卽午時爲暗金亢宿值日亢屬金金從奎則於

子時起奎、丑、婁、婁屬金，卽丑時爲暗金，寅、胃、卯、昴、辰、畢、巳、紫、午、參、未、井、申、鬼、鬼屬金，卽申時爲暗金，伏斷齊到時，如氏宿值日，氏屬土，土從翼起子，房宿值日，房屬太陽，太陽從虛起子，心宿值日，心屬太陰，太陰從鬼起子，尾宿值日，尾屬火，火從箕起子，箕宿值日，箕屬水，水從畢起子，以例推之，則斗、奎、井皆屬木，從氏起子，牛、婁、鬼皆屬金，從奎起子，女、胃、柳皆屬土，從翼起子，虛、昴、星皆屬太陽，從虛起子，危、畢、張皆屬太陰，從鬼起子，室、紫、翼皆屬火。

從箕起子、壁參軫皆屬水、從畢起子、並同演時禽
法、倣此、凡遇子虛丑斗之類、卽爲伏斷、亢牛婁鬼
爲暗金、用其時埋伏、勦殺大勝、

凡演禽法、年禽以嘉靖甲子歲爲中元、係太陽虛
宿值年、虛日鼠爲符頭、萬曆己卯歲太陰張宿值
年、張月鹿爲符頭、甲午歲火星室宿值年、室火猪
爲符頭、數至丁酉歲、係婁金狗、是爲金星值年、輪
至己酉歲、軫水蚓爲符頭、若月禽則太陽星值年、
正月起角、太陰星值年、正月起室、火星值年、正月

地能制番禽乃可并畢最强箕尾次之

角木蛟食燕蝠牛鼠獬畏犴鳥愛雞雉喜水天郊野忌田園草岸山刑刃

亢金龍食蝠鼠燕獬牛畏犴鳥與虎戰喜水天忌刑刃

氐土貉食雞豬猴猿畏獬犴羊豹虎狼狗鹿蛇愛狐喜山田草峰郊野忌天岸刑刃

房日兔食蛇蚓畏狼狗虎豹獬猴愛雞喜山園峰郊野忌水天岸刑刃

心月狐食雉雞獬貉犴猪蛇逐鳥畏虎豹狗猿鼠

喜田野山峰忌水天刑刃

禽夜

尾火虎食雉雞獬貉馬狗貉鹿兔蛇獮狐猪牛猿猴

羊喜山峰忌田園天刃刑峴郊

禽夜

箕水豹食雉雞鹿獬貉馬狗貉兔蛇獮狐猪羊犴猿
猴喜山水峰忌天郊刑刃

斗木獬食雉雞獬貉蛇羊猿兔獮虺喜山峰野

忌天刃刑岸

禽夜

斗金牛食蛇虺鹿畏蛟龍狼虎豹鳥喜水草山峰

忌天刑刃郊野

女土蝠食蚓愛燕鼠畏蛟龍蛇狗獮鳥喜天峴郊
忌刑刃山峰

虛日鼠食雉雞狐蚓燕獬獬喜山田園忌天水刑
刃

危月燕食蚓畏蛟龍狗蛇猪獮鼠鳥喜天水郊野
園峴忌刑刃山峰

室火猪食燕鼠蛇蚓喜山園田野忌水天刃刑郊
壁水獮食蝠鼠燕蛇蚓愛獾畏狼狗虎豹羊鳥喜

山水峰忌天刑刃岍

奎木狼食雉雞鹿獐貉馬兔獮狐猪羊牛獬喜山
田草峰忌刑刃

婁金狗食雉雞鹿獐貉蛇狐兔獮燕鼠獬猪蝠羊
猿猴喜山峰野忌天水刑刃

胃上雉食蛇蚓愛蛟畏狗貉狼狐虎豹鼠烏獬喜
天山峰野忌水田刑刃

昴日雞食蛇蚓畏狗貉狼狐烏獬虎豹喜田園忌
水天刑刃郊

畢月鳥食蛟龍獬馬蝠鼠燕蛇蚓猪畏狐愛雞雉
喜天山田野園岸忌郊水刑刃

觜火猴食兔蛇蚓愛馬與鼠戰畏狗貉虎豹喜山
峰忌水峴刑刃

參水猿食狐畏貉狗獮犴獬虎豹鼠喜山峰忌天
水刑刃

井木犴食虎豹蛟龍貉狗畏狐喜山水草峰忌田
園天刑刃

鬼金羊食蛇貉愛鹿畏獐狗狼狐獬虎豹喜山峰

田園野草忌天水郊刑刃

柳土獐食羊蛇畏狗狼虎豹獬牛猿喜山峰忌水
刑刃郊岸

星日馬食榆畏虎豹烏狼愛猿猴獐喜草郊野忌
山水刑刃田岸

張月鹿食貉蛇畏狼狗虎豹獬喜草峰山忌水刑
刃天岍

翼火蛇食蛟龍貉燕鼠蝠畏雞雉獐鹿狗兔狐虎
豹獬牛猴烏羊喜水草山忌天刑刃

軫水蚓食泥土畏雞雉兔蝠鼠燕猪牛 烏獐愛

蛇喜田園草芥忌山峰刑刃

山禽不下水水禽不上山夜禽日不出日禽夜不行飛禽怕湯火走禽怕刀砧

亥子爲江湖寅卯爲山林丑未爲田園申酉爲刀砧辰戌爲岡巒巳午爲湯火

寅宮有貓狸反降虎豹丑宮有金龜反制蛟龍亥宮有飛熊反制諸禽戌宮有暗豹反制山禽申宮有猓猿反制狼狗未宮有胡鷹反制諸禽巳宮有

海蟾反制蛇蛟辰宮有羯獒反制虎蛟

貴人登天門時甲戌庚日正月庚甲時二月坤艮
時三月丁癸時四月丙壬時五月癸乾時六月乙
辛時七月甲時八月艮時九月十月十一月十二
月並無

乙巳日正月辛艮時二月辛癸時三月坤壬時四
月丁時五月丙辛時六月亥時七月乙時八月甲
時九月十月十一月並無十二月甲時

丙丁日正月癸時二月壬時三月庚時四月坤辛

時五月丁時六月丙時七月癸時八月乙時九月
甲時十月無十一月甲時十二月艮時

辛日正月乙時二月甲時三月四月五月六月並
無七月艮時八月庚癸時九月坤壬時十月丁時
十一月丙時十二月癸時

壬癸日正月丁時二月丙時三月無四月艮乙時
五月癸甲時六月壬時七月乾時八月辛時九月
十月無十一月庚時十二月無

丑未寅初爲艮時辰未巳初爲巽時未未申初爲

坤時戌末亥初爲乾時寅末卯初爲甲時巳末午
初爲丙時申末酉初爲庚時亥末子初爲壬時子
末丑初爲癸時卯末辰初爲乙時午末未初爲丁
時酉末戌初爲辛時

其法以月將加時數至乾上晝治遇晝貴人夜治
遇夜貴人是也假如三月庚申日坤時河魁爲將
加坤從魁臨丁傳送臨丙小吉臨巽勝光臨乙太
乙臨甲天罡臨艮太冲臨癸功曹臨壬大吉臨乾
乾爲天門大吉丑係庚日晝貴是謂貴人登天門

時其餘並同、然須看官曆交宮過將後取用、如萬曆丁酉年五月十七日卯正一刻、後日躔鶉首之次、方用小吉爲月將、若卯正初刻、仍用四月申將傳送他倣此、

貴人例、甲戌庚日、晝貴在丑、其下神大吉、夜貴在未、其下神小吉、乙巳日、晝貴在子、其下神神后、夜貴在申、其下神傳送、丙丁日、晝貴在亥、其下神登明、夜貴在酉、其下神從魁、六辛日、晝貴在午、其下神勝光、夜貴在寅、其下神功曹、壬癸日、晝貴在巳、

其下神太冲夜貴在卯其下神太乙星出爲夜用
夜貴人星沒爲晝用晝貴人

十二貴神例天乙貴人己丑土吉將也前一騰蛇
丁巳火凶將也前二朱雀丙午火凶將也前三六
合乙卯木吉將也前四勾陳戊辰土凶將也前五
青龍甲寅木吉將也後一天后壬子水吉將也後
二太陰辛酉金吉將也後三玄武癸亥水凶將也
後四太常己未土吉將也後五白虎庚申金凶將
也後六天空戊戌土凶將也假令如前課貴人臨

乾前一騰蛇臨壬騰蛇屬火是爲騰蛇墜水前二朱雀臨艮爲破頭後三玄武臨坤土爲折足前四勾陳臨甲木爲入獄後五白虎金神臨丙火爲燒身後六天空臨巽爲被剝是六神藏四殺沒故此坤時大吉

布貴人例陽貴順布如前坤時晝貴丑在乾前一騰蛇在壬前二朱雀在癸前三六合在艮前四勾陳在甲前五青龍在乙後一天后在辛後二太陰在庚後三玄武在坤後四太常在丁後五白虎在

丙後六天空在巽，是爲順布。如其日庚申，艮時則夜貴未，在乾前；一騰蛇在辛前；二朱雀在庚前；三六合在坤前；四勾陳在丁前；五青龍在丙後；一天后在壬後；二太陰在癸後；三玄武在艮後；四太常在甲後；五白虎在乙後。六天空在巽，是爲逆布。四殺沒吉時。孟月甲庚丙壬，仲月艮巽坤乾，季月癸乙丁辛。然須看官曆太陽過宮後方可用。如未交宮過將，仍用前月之時。

天罡取時用方法，每以月將加正時數，至辰卽天

罡所在之處假如五月午時是四月小滿後日躔
實沈之次用傳送爲月將卽以申加午上順數至
寅得辰爲天罡加寅用此午時宜向寅方出兵破
賊大勝未時卯方爲天罡卽從卯方出餘倣此
正月會朔正月日躔娵訾之次辰在亥月將爲登
明

二月日躔降婁之次辰在戌月將爲河魁
三月日躔大梁之次辰在酉月將爲從魁
四月日躔實沈之次辰在申月將爲傳送

五月日躔鶉首之次辰在未月將爲小吉、
六月日躔鶉火之次辰在午月將爲勝光、
七月日躔鶉尾之次辰在巳月將爲太乙、
八月日躔壽星之次辰在辰月將爲天罡、
九月日躔大火之次辰在卯月將爲太冲、
十月日躔析木之次辰在寅月將爲功曹、
十一月日躔星紀之次辰在丑月將爲大吉、
十二月日躔玄枵之次辰在子月將爲神后其法
看官曆交宮過將如萬曆丁酉年正月初十日辰

正二刻日躔姬訾之次方用亥將登明若辰正二刻以前仍用子將神后他皆倣此

都天大六壬透天關法夫透天關者乃九天玄女究天上之六甲定人間之五行省千紙之繁文歸一統之正體每日課定三門出入用之大吉或陣機急速要用之時更不搜索文字不避凶吉但遇五符唐符國印三時方出軍大勝

一五符二天曹三地符四風伯五雷公六雨師七風雲八唐符九國印十天關十一地軸十二天賊

五符唐符國印大吉、天曹地符宜守、風伯消息凶、
雷公大凶、雨師憂賊至、天關宜追捕、天賊必與賊
遇、地軸多逃遁、風雲宜避、其法以天干祿泊處起
五符、甲祿在寅、乙祿在卯、丙戊祿在巳、一云戊祿
在辰、丁巳祿在午、一云巳祿在戌、庚祿在申、辛祿
在酉、壬祿在亥、癸祿在子、假如甲日寅上起五符、
則卯爲天曹、辰爲地符、巳爲風伯、午爲雷公、未爲
雨師、申爲風雲、酉爲唐符、戌爲國印、亥爲天關、子
爲地軸、丑爲天賊、是寅酉戌三時三方大吉、餘皆

勿用他倣此

天兵時、甲巳日在寅、乙庚日在戌、丙辛日在申、丁壬日在午、戊癸日在辰、凡用此時、一日十勝、